

EPISIS

KUIMP TEPA IK KŪŁ

Ya Buk Ei Nga PuŁ Ei:

Ya buk kuŁ, Pol ndi, mon ropa, Episis kona ila Kraist nga mondpa pili wamp kuŁ nimba ronduŁ mundrum.

Ya Buk Ei, Nam Ndi Rurum:

Ya buk ei, Pol ndi, mon rurum.

Mon Ropa Nam Ngurum:

Pol ndi, mon ei ropa Got nga rapa tenda ila wamp met Episis kona ila wamp kuŁ kŭn ngurum.

Ui Nant Ila Rurum:

Buk kuŁ, Pol Rom kona ila kan manga ila pepa rurum. Ei Kraist metung ei kŭn, mbuldung orunga pana 60 (AD) ila mon kuŁ rurum.

Ik RonduŁ: Episis 4:4-6

Got ndi, enim etpa numan tenda pendpa mel tenda ti nukundeing nimba wi ropa titim ei mel, kung tenda. Muŕnga tenda ei mint morum. Nuim tenda ei mint morum, mondpa pili uŁ ei tenda, nu ti uŁ ei, tenda mint, Got tenda mint morum ei, wamp mbu pora nga Tipam morum. Wamp kep, mel namba mel tenim kanmun mbu nga Nuim oŁa orunga moŁpa, wote rukur orunga moŁpa kongun etpa etam.

IK PENG KŪŁ

Rump

- 1:1-1:2 - Pol ndi, Episis kona ila mon ropa ngurum.
- 1:3-1:14 - Kraist nga mbi ila, Got ndi, tŭn memp ngorum
- 1:15-1:22 - Pol nga atinga rurum kuŁ
- 2:1-2:10 - Got ndi, tŭn Kraist kŭn etpa peng kont titim
- 2:11-2:22 - Wamp ruŁaip raŁ Kraist ndi, tupa tenda endutum
- 3:1-3:13 - Wamp ruŁaip elpa kuŁ nga Pol kongun itim mel
- 3:14-3:21 - Kraist nga wamp numan ngui uŁ ei
- 4:1-4:16 - Tŭn mondpa pili wamp ei Kraist kŭn kung tenda
- 4:17-4:32 - Kraist kŭn nombuŁa kont paka ila ũndui

5:1-5:20 - Tən ruʔang pum ila ʔndamən

5:21-5:33 - Amp mbə kən waməl kən

6:1-6:4 - Kangambuʔa na, tipam maməl na mbə nga man ik

6:5-6:9 - Kongun kindmant wu mbə kən, en enim nga wu nuim mbə kən

6:10-6:20 - Seitan kən el ruimin mel

6:21-6:24 - Memp ik kai mat

Pol Ndi, Episis Kona Ila Mon Ropa Ngurum

1 ¹Na Pol, Got elim ndi, na etpa Kraist Jisas nga nombuʔa rung wu mundrum. Mon ei rop, Got nga wamp mbə, met Episis kona ila mormən kuʔ kən ngunt. Wamp kuʔ, en enim nga mul orunga, Kraist Jisas kən minal pep rormin. ²Got tən nga Wuta, wote Nuim Jisas Kraist kunda, enim kən poʔ ti uʔ, moʔpa kundi uʔ mbə ngurum.

Kraist Nga Mbi Ila Got Ndi, Tən Memp Ngorum

³Tən nga Nuim Jisas Kraist Nga Tipam, wote Got morum ei kən, angge namin! Tən Jisas Kraist kən rəmp ndupa moʔmina, memp kai, wi muʔ kona tetəm mbə, tən ngorum. ⁴Muʔ mui raʔ mim iti nūti kən, Got ndi, tən elim nga nimba mbi ropa tupa, Kraist kən mundrum. Uʔ ei ndi, tən etpa wingti randpa, elim nga kuimp keta ila, ʔawa iti natupən, wamp numan ngui uʔ ila muʔamin nimba itim. ⁵Got ndi, unt pilpa kən, tən wamp mbə, Jisas Kraist kən rukər pamina, elim nga kangambuʔa raʔup muʔamin nimba itim. Ei kən, elim nga numan ila, itimp nimba pətəm ei mel itim. ⁶Got ndi, uʔ kai wei ti etpa, elim nga kangəm tenda numan ngorum ei, tən wamp mbə nga nəndpa ngumba mundrum. Ei nga, Got elim nga mbi paka rundamən! ⁷⁻⁸Kraist kurum uʔ ei ndi, tən nga uʔ kit mbə, tinga ndupa, tən etpa wei mundrum. Got nga wamp poʔ ti uʔ ei, oʔa orunga tetəm ei, tən ngurum. Ui mbila rək rək, tən wamp mbə, namba uʔ mat, numan mondurməm mbə, pilpa pora ndurum. ⁹Unt puʔ mondpa, Got elim numan kai pendpa, Kraist kən itimp nimba etpa, mo rorum uʔ ei, akup tupa pena ila pendilinga, pilpən mbi ndurmən. ¹⁰Got elim nga itimp nimba pitim uʔ mbə, etpa pora ndumba ei, elim ui ti, to ropa pinditim ila etmba. Ei kən, muʔ mui raʔ ila, etpa pinditim mel mbə pora, tupa tenda endpa, Kraist tupa peng mumuk mondumba.

¹¹Mel mbə pora, Got elim nga numan pilpa ik nimba etəm uʔ ila, ekit orung. Wote, Kraist kən Got ndi, tən wi ropa tupa wamp, elim nga kuʔ nitim. Ei nambuʔ emel, elim unt puʔ mondpa, uʔ itimp nimba pitim ei mel, pep ropa etəm. ¹²Ei nga, tən pora, Kraist kən, kuimp tepən mondəp pitməm. Got nga uʔ eng nui kai itim ei nga, mbi paka rundamin! ¹³Uʔ ei, enim kunda ku, enim nombuʔa rung ik kupa ei, pilik tətəng ei, Rənang Ik Kai ei ndi, enim etpa rukər titim. Ei kən, enim Kraist mondək pilingina,

Got ndi, enim wamp mbu, elim nga kuŋ nimba, Muŋga Wingti ei, enim ngurum. Elim nguimp nimba pitim mel ku ngurum. ¹⁴Muŋga Wingti ei ndi, tūn etpa kapŋa endangga. Tūn Got ndi, unt mbi tepa, nguimp nitim mel mbu, kapŋa timin. Wote Got ndi, tūn kump kum etpa, tupa wamp mbu, elim nga kuŋ nimba ei, Muŋga Wingti ei ndi, tūn etpa ndoimp rondumba. Ei nga, tūn ndi, elim nga mbi ei paka rundamin.

Pol Nga Atinga Rurum Kuŋ

¹⁵Enim nga ik ti pit ei, enim Nuim Jisas Kraist mondak pilik, wote Got nga wamp mbu, numan nguk uŋ kai mbu etmin. ¹⁶I etmin uŋ ei nga, na enim nga orunga pilip numan wang nilinga, Got kūn angge ruk ruk nūt. Na nga atinga ror mbila, enim wak ruimp mel, kapŋa iti natutum. ¹⁷Na ndi, tūn nga Nuim Jisas Kraist nga Got Wuta wu eng nui ei kūn, atinga rop waldap, enim Muŋga Wingti ngangga nūt. Ei ndi, enim etpa ndoimp rundangga, pilpa kungūdi tuk, Got nga morum puŋ orunga, pilik mbi nduing. ¹⁸Na ndi, atinga rop kūn, enim nga numan orunga kumba tangga, elim nga ruŋang ei kandak, wote enim wi ropa titim ei nga, uŋ puŋ ei, pilik mbi nduk iteing nump et. Elim nga wamp mbu, memp kai nguimp nimba pinditim uŋ mbu, minal petam. ¹⁹⁻²⁰Wote, elim nga rondut ei, tūn mondpa pili wamp mbu kūn, wak roŋga, kongun enmin. Tūn nga rukur orunga kongun enim rondut ou tenda ei ndi ku, Jisas Kraist on kona ila ŋoporpa tupa oŋa mundpa, wi muŋ kona ila tupa, ki mbo orunga mundrum. ²¹Kraist wi muŋ kona ila wu nuim rondut ei morum. Wote, rondut ou kel mbu, tupa mana ndupa, oŋa orunga morum. Wote, ya mui kona ila mbi ou rondut, akup tenam mbu, tupa mana ndupa, oŋa orunga morum. Wote, ui mbila moŋpa, mint mba. ²²⁻²³Got ndi, mel mbu pora, etpa tupa, Kraist nga kump puŋ ila tinditim. Wote, Got nga rapa tenda ila wamp mbu kūn, wote namba mel rukur tetum mbu pora, Kraist nga kung ei morum. Kraist ei, mel mbu nga rukur orunga moŋpa, kapŋa endpa, etpa kapŋa endutum.

Got Ndi, Tūn Kraist Kūn Etpa Peng Kont Titim

2 ¹Unt ui mbila, enim ik pili napilik, wote uŋ kit mbu, etung ni kūn, enim nga min orunga, koŋpa pora ndurum. ²Ei kūn, enim mui kona uŋ kit mbu pep rorong. Wote, enim ya mui kona kur kit mbu nga wu peng mumuk ei nga, ik teng ndurung. Kur kit ei, Got nga ik tuk roi ndurmūn wamp mbu kūn, moŋpa kongun etam. ³Tūn unt wamp ruŋaip kuŋ kūn, i ku etap murmūn. Ei kūn, tūn nga kung orunga paka ruimin, numan ou ndupa pilpūn ūndurmūn. Wamp wei mbu mel, tūn unt metung ei kūn, tūn numan kit mbu, pendap mep urmūn. Ei kūn, wamp wei mbu mel, tūn i ku etpūn, Got nga popuŋ ila mindil noŋmina. ⁴⁻⁵Ni kūn wote, Got wamp numan minal ngumba. Wote, wamp kont kul uŋ ei, ama

mandpa tetum ei ndi, tun uf kit minal itmun mbu ndi, ropa kundrum ila kandpa, tun Kraist kun etpa peng kont titim. Got nga wamp pot tutum uf ila, enim etpa titim. ⁶Tun Kraist Jisas kun toporpa tupa, wi mu# kona tetum mel mbu, elim kun kunda rap itamin nimba itim. ⁷I itim uf ei, wamp ru#aip akil tek o#a uing mbu, ora ndupa, elim nga wamp pot tupa, numan ngorum uf ei, o#a orunga tetum. Ei kun, Kraist Jisas kun tupa mot ndurum. ⁸Got nga wamp pot ti uf ila, enim mondak p#ungina, enim etpa peng kont titim. Ei nga, enim nga uf ti iti natutung. Wote, Got elim nga gem ngui uf ei ngurum. ⁹U# ei, wamp ti ndi, elim nga rondul ila kongun etup tint nimba, elim nga mbi o#a tumba, mel kap#a mon. ¹⁰Got ndi, tun mim itim. Wote, Kraist Jisas kun tap tenda etmin uf ila, kongun kai mbu itamin nimba, tun mim itim. Ei nga, Got ndi, tun itamin nimba, unt kor nga tupa kun etpa tinditim.

Wamp Ru#aip Ra# Kraist Ndi, Tupa Tenda Endutum

¹¹Jura wamp mbu, kung kupti uf etmin ei, enim putmin ni, wote enim wamp ru#aip elpa ku# kundak, 'kung kupti nupti wamp,' nutmin. Ik ei, enim pilik kai itui! Unt ni, (wamp kung ila etmin uf ila mendp#), enim kundak wamp ru#aip elpa natung. ¹²Ui ni kun, enim Kraist kun nondpa, mu#i namburung. Enim mbo wamp mel morung. Got nga mbi ropa titim wamp ku# kun kep, mu#i nambrung ku. Wote, Got elim nga wamp ku# kun, ik mi tepa, wote nimba mu#i ropa itim uf ila kep, enim mu#i namburung mon ku. Mu#i kona uf mbu ndi, enim ropa walu mundrum. Mel ti wote, ui mbila, timin nuk pili naputung. Wote Got kep, pili naputung ku. ¹³Wote, akup enim Kraist Jisas nga wamp ku# mormin. Unt enim Got kun ro# etuk morung. Ni wote, akup Kraist nga mema oi nitim uf ila, enim Got kun nondpa puk mormin.

¹⁴Kraist elim ndi, mo#pa kundi uf ei ngorum. U# ei ndi, tun Jura wamp mbu kun, wamp ru#aip elpa nunmun mbu, tupa tenda etum. Wamp ru#aip ra#, unt oi kan pendak, el pu#a wamp morung. Ni kun, Kraist ndi, elim nga kung ei, wak ropa, el pu#a pitim oi kan ei, ropa pu#a rurum. ¹⁵Jura wamp mbu nga mi ik ei, Kraist elim ndi, ropa wei ai inditim. Wote ru#aip ra#, elim kun tupa tenda etpa, wamp ru#aip kont ku# m#eing nimba itim. I etpa kun, wamp ru#aip ra#, mo#pa kundi uf ila, tupa ruk ndurum. ¹⁶Kraist nde peta ila kurum uf ei ndi, ru#aip ra# tupa tenda itim. Ei kun, nde peta ila, ru#aip ra#, tupa kung tenda etpa mepa, Got kun nondpa purum. ¹⁷Wote, Kraist urum ei ndi, mo#pa kundi R#nang Ik Kai mbu nimba, enim wamp ru#aip elpa, Got kun ru# etuk morung mbu kep, Jura wamp en enim Got kun nondpa morung mbu kep, pora nimba ngurum. ¹⁸Tun wamp ru#aip ra#, Kraist kun Mu#nga tenda ila mo#pun, Wuta Got kun kap#a mbin.

¹⁹Ei nga, enim mbo wamp ru#aip ku#, akup wamp tuma muna, nomba un#i wamp kat mon. Wote, akup enim Got nga wamp mbu kun, ru#aip

tenda mormin. Got kũn manga rapa tenda wamp kuŕ mormũn. ²⁰Got nga manga mendpuŕ ei, enim wamp kuŕ mormin. Tũn nombuŕa rung wu, ik painui wu na mbũ, manga mbo nga mel moŕmina, wote Kraist Jisas elim ei, manga paka rumũnt mel morum. ²¹Kraist elim ndi, manga ei nga melamp rukũr orunga petũm mbũ, tũpa rak ndupa ambuŕpa, Nuim ei nga manga wingti ti muŕangga nimba, etpa oŕa tutũm. ²²Enim manga pel ndaŕ na ni mel, Kraist kũn rok kundũk moŕungina, Got ndi, enim mondpa pili wamp ruŕaip mat kũn, tũpa rak nduŕnga, enim Got nga manga mendpuŕ ei mormin. Manga ila, Got elim nga Muŕnga ei, pepa morum.

Wamp Ruŕaip Elpa Kuŕ Nga Pol Kongun Itim Mel

3 ¹Uŕ puŕ ila nga, na Pol Kraist Jisas nga kongun kindmant wu ei moŕũp, enim wamp ruŕaip elpa kuŕ nga nũmp kũn, Got kũn atinga rondũnt. ²Enim kupa pũtang ei, Got elim nga wamp kont kuŕpa, poŕ tutũm uŕ ila, na enim nga nũmp kongun ei, iteimp nimba ngurum.

³⁻⁴Got nga ik mo ropa titim ei, na kũn nimba nguŕnga pit. Ei nga, na mon koŕmung ti rop, enim unt ngur ei, mon rur ei mel kũmp rok kanũng ndam, na Kraist nga ik mo ropa tetũm na pit ik ei enim pilik piral nduing. ⁵Ik mo ropa ei, Got ndi, unt ui mbila nimba wamp ngui ngungũrũm. Wote, akup Got ndi, Muŕnga Wingti ila ik ei nimba, nombuŕa rung wamp, ik painui wamp wingti na mbũ kũn, etpa piral nduŕnga pũnmũn. ⁶Ik mo ropa titim ei, enim mbo wamp ruŕaip elpa mbũ, Ruŕang Ik Kai ila Jura wamp ruŕaip kuŕ kũn ok, ruŕaip tenda etũk, wote kũng tenda mormũn. Uŕ ila enim kapŕa Got ndi, Kraist Jisas kũn memp kai nguimp nimba pinditim uŕ mbũ kapŕa ting.

⁷Got elim nga wamp kont kuŕpa, poŕ tũpa etũm uŕ ei nga ronduŕ ila, na etpa kindmant wu muŕeimp nimba, na ronduŕ ngurum. ⁸Na Got nga wamp kit kurpa mbũ nga ama mana orunga mor. Ei wote, Got elim ndi, uŕ kai etpa Kraist nga uŕ kai tetũm mbũ nga Ruŕang Ik Kai ei, wamp ruŕaip elpa mbũ, nũmp ngeimp nũmba, na ik ei ngurum. ⁹Got ndi, mel mbũ pora itim. Wote, elim nga numan ila namba uŕ itimp nimba pitim uŕ mbũ, unt etpa mo ropa pinditim. Wote, akup na etpa, kongun ila mondpa, uŕ mo ropa mbũ kũn, wamp mbũ kũn, nũmp piral ndeimp nimba itim. ¹⁰Elim nga numan ila itimp nimba pitim uŕ ei, akup elim nga ruŕang ik kai ei, tũpa mot nduŕnga, Got nga pilpa kungũndi elpa elpa pũtũm mbũ, wi muŕ kona rũp wu na, nuim ronduŕ na mbũ ndi kanmin. ¹¹Got ndi, unt kor nga itimp nimba pitim uŕ ei, Nuim Kraist Jisas ndi, etpa omp rundrum. ¹²Tũn Kraist kũn mondũp pilpũn, elim kũn moŕpũn, wote kapŕa Got nga morum kona ila mbin ei, mel ti ndi, imp muŕi nambuŕmba. ¹³Ei nga, na ndi, enim waldũp kũn, enim mbi ou teing nũmp mindil nont ei nga, enim numan ou ndupa pili nũpũkũ!

Kraist Nga Wamp Numan Ngui Uŕ Ei

¹⁴Uŕ puŕ ila, na Wuta nga kuimp keta ila, mura koptũm rop mondũp, atinga ront. ¹⁵Tũn wamp pora wi muŕ kona kep, mũi kona kep, Wuta ei

kun, mbi kupa tatum. ¹⁶⁻¹⁷Got rondut minal tetum wu ei waldup kun, enim Muŋga Wingti oi ndupa ngangga, enim nga rukur orunga, rondut tangina, wote mondpa pili ut ila, Kraist enim nga mundmong orunga omba nuim mutangga. Na atinga rop kun, wamp numan ngui ut ei, nde na ni mel, mui ila puŋ kan nguk rondut munduk itui! ¹⁸I etuk kun, enim kep, Got nga wamp mbu pora, rondut tuk kapŋa enduk, Kraist nga wamp numan ngui ut ei ruŋ, muna nondpa etpa tetum, muna wi oŋa tetum, muna mana tetum ei, pilik mbi nduing. ¹⁹Ei, Kraist nga wamp numan ngui ut ei ndi, numan wei mbu, akpa tupa oŋa ndupa mandpa tetum ut ei, pilik mbi nduing. Ei kun, Got nga ut kun kai mbu pora, enim kun tepa omba, kapŋa endangga.

²⁰Elim nga rondut ei, tun nga mundmong orunga kongun etum. Rondut ei ndi, tun nga numan patmin, wote atinga rormin mbu, tupa rapandupa ama kongun rondut mundpa etum. ²¹Got nga mbi paka rundi ut ila, elim nga mbi ou ti ut ei, Kraist Jisas kun ut nga kunt nga tepa mint pangga! Ei kupa!

Tun Mondpa Pili Wamp Ei, Kraist Kun Kung Tenda

4 ¹Na Nuim ei nga kongun kindmant endup kun, enim kun rondut mundup, waldup ei mel nant. Enim nga mul orunga, Got ndi, enim wi ropa rukur tupa namba ut iteing nimba, tou ruruh ut mbu etuk mutui! ²Wamp mbu nga mana orunga molk, raka nuk, timing tek min monduk, koma pou raf tek mutui. Wamp numan ngui ut ei, enim ndi, ora nduing ei, enim nga ungunul mbu tuk rapandui! ³Muŋga Wingti ei ndi, enim nga moŋpa kundi orunga nimba kun, enim etpa tupa numan tenda mundrum ut ei, ambulk gi nduk mutui! ⁴Got ndi, enim etpa numan tenda pendpa mel tenda ti, nukundeing nimba, wi ropa titim ei, mel kung tenda. Muŋga tenda ei nga mint nokunduk mutui! ⁵⁻⁶Nuim tenda mint morum, mondpa pili tenda, nu ti ut ei, tenda mint, Got tenda mint morum ei, wamp pora nga Tipam morum. Wamp kep, mel namba mel tenum kanmun mbu nga Nuim oŋa orunga moŋpa, wote rukur orunga moŋpa, kongun etum.

⁷Kraist elim nga numan ila, elim nga kongun rondut minal tetum mbu nga, tun wamp tenda tenda nimba ei, kongun itmin tou ila kandpa, mok ropa ngurum. ⁸Buk Wingti ila, ei nimba mel,

“Elim oŋa purum ei kun, kan ngurung wamp puŋ mepa purum, wote wamp mbu, kongun rondut mat ngurum,” natum.

⁹Akup wote, “oŋa orunga purum,” nimba ik petum ei, puŋ ei, etpa petum mel nant? Ik ei nga puŋ ei, kuimp tepa elim mana urum, mana omba mui mana orunga purum. ¹⁰Ei nga, elim wamp tenda mana urum ei ku, oŋa purum. Oŋa mba, mut kump mbu, tupa mana ndupa, akup elim mana kep, oŋa kep, kona nant mbila moŋpa, kapŋa endamba pilpa

itim. ¹¹Elim ndi, wamp mbu kongun ronduf mbu, kump tupa ngurum. Mat tupa, nombuŕa rung wamp mondpa, mat tupa, ik painui wamp mondpa, mat tupa, Rurang Ik nindi wamp mondpa, mat tupa, kongun peng ila mondpa, ik mbo wamp mondpa etum. ¹²Kraist ndi, tun Got nga wamp mbu, tupa rapundpa, kongun ronduf mbu ngumba, elim nga kongun kai mbu tamina, elim nga kung ei, mba ou tangga nimba itim. ¹³Kongun mbu, etup mint mbun, wote ui ti kun, tun pora, Got kangum ei kun, numan ronduf putmun uf ei kun, mondpa pili uf ei kun, tenda ila moŕpan, Kraist elim tou tenda ila muŕmin.

¹⁴Wote tun, nde mun na ti, kupku ropa, roimp ruku nutum ni mel, kangambuŕa kel raŕpan muŕi nambuŕmin. Ik kol nga puŕ wamp mat ndi, ik kol ropa, mat mim etuk ik kupa mel mbo enduk, wamp mat tuk kona kit ila mundurmin. Uŕ mbu, tun kum ti nutumun. ¹⁵Ei mon, wamp numan ngui uf mbu etpan, ik kupa nimbun, wamp kupa raŕpan, Kraist ei uf mbu nga peng ei morum. Ei kun, moŕup gi ndamin. ¹⁶Elim peng ila moŕpa, kung ila kump ki, kum mel, elpa elpa petum mbu, tupa rak ndupa ambrum. Wote kump, ki kum mel, elpa elpa mbu, en enim nga etpa pinditim kona, koŕ ila rok kunduk, molk kun, ti ndi, ti paka roŕnga, kung tenda ei, ambulk gi ndurmin. Ei nga, mel elpa elpa kuŕ, kongun tou ila elpa elpa etmin ei kun, wamp numan ngui uf ila kung nunmun ei, oŕa omba, ou etpa ronduf purum.

Kraist Kun Nombuŕa Kont Paka Ila Undui

¹⁷Nuim ei nga mbi ila, na ik ei namp, wote ronduf man ngump nant. Enim mbo wamp ralk, numan wulu pilik, pek mormin ei mel, pek muŕi nambuŕui. ¹⁸Wamp mbu nga numan orunga rumbuŕ morum, ik pilpa ti, uf orunga tip morum. Ei nga, Got ndi, wamp nga numan mbo ingk ngurum uf ila, ruk muŕi nambuŕmun. Ei nambuŕ emel, ik tuk roi nduhina, mundmong orunga ku rarum. ¹⁹Pipil kuŕi nakurmun, uf kit minal etuk, wote iting ei nga numan ngurmin.

²⁰Enim Kraist nga ik pilik tutung ei, ya uf mbu mel iteing nuk, mbo indi nandutung mon! ²¹Na punt ei, Kraist nga ik ei, enim pilik tutung. Wote, ik kupa Jisas kun petum uf mbu, enim mbo endilingina putung. ²²Enim nga uf unt nga etung mbu, wak rok mundui! Uŕ mbu ndi, enim ik kol, numan kit mbu, mbo rundrum ei mel ku, pek morung. Uŕ unt nga nimbui, ik kol na, numan kit na mbu ndi, enim etpa kit mundrum. ²³Enim numan kont paka kai ti kanduk tui! ²⁴En enim etuk, wamp kont paka kat, Got nga numan pilpa mim itim ei mel muŕui! Uŕ i etuk eng ei ndi, enim wamp kun kai wingti kuŕ muŕing.

²⁵Enim ik kol rormun mbu, wak rok mundui! Enim wamp mbu pora, angmun nuk, ik kupa ei mint nui! Nambuŕ emel, tun pora, Kraist nga kung tenda ila mint mormun. ²⁶Enim popuŕ ti, kanduk tung ndam,

popuŕ ei ndi, enim etpa uŕ kit ila mepa pi nupangga! Wote popuŕ ei, pilik muŕangina, ant ei mana pi nupangga! ²⁷Seitan ruk omba, ei nga paŕa polkun muŕi! ²⁸Kandup norum wamp ni, akup kandup nui nunangga! Elim nga ki raŕ ndi, kongun uŕ ronduŕ mat etangga! I etpa kun, mel kai mat, etpa oŕa tupa, kurpa pum wamp ei, mok ropa ngangga!

²⁹Ik pundma kit mbu, ni nanduk, nimba ndoimp rundi ik kai mbu nui! Ei kun, nuk ngun wamp ei, ronduŕ tangga, uldu orunga moŕpa pilim wamp ei, pilpa kai pilangga! ³⁰Muŕnga Wingti ei, etuk mbun ngui ngungui! Got ndi, Muŕnga Wingti ei, enim kun tip timal mel etpa ngumba, wakut elim nga ui ou ei, ekit om kun, enim etpa kan pilinga ndupa, wei mondamba ei nga ngurum. ³¹Mundmong kit pili uŕ, ik mura iti uŕ, popuŕ mudi uŕ, kei aŕi nuk ik mbulduŕ orunga ni uŕ mbu kun, wote namba numan kit puŕtmin uŕ mbu, wak rok mundui! ³²Uŕ mbu penduk kelik, numan kai penduk, angmun mat kun ik kai nuk, mok kai etuk, wote angmun mat ndi, etuk kit mondung ndam, nit mbu wak rui! Kraist nga mbi ila, enim nga nit mbu, Got ndi, wak rurum ei mel ku, wak rui!

Tun Ruŕang Pum Ila Undamun

5 ¹Enim Got ndi, numan ngorum kangambuŕa kuŕ mormin. Ei pilik, elim monduk pilik muŕui! ²Enim nga kont mul uŕ ei, wamp numan ngui uŕ ei ndi, kindmant endangga! Kraist itim ei mel, tun numan ngumba, elim nga kont mul uŕ ei, tun nga nandpa wak ropa elim ndi, elim nga kung ei, Got kun atinga ropa kaŕpa tindiŕim munduŕnga, mura pilpa kai pitim.

³Enim Got nga kangambuŕa kuŕ mormin ei pilik, wapra rui uŕ, uŕ kol, wote ik kol rui uŕ na, kandpa kum pindi uŕ kit mbu nga ik ti, enim nga ruk tinga ila, pi nupangga! ⁴Wote, ik kit nuk, pundma rok, ik roldunga na mat ni nanduk, Got kun angk ning uŕ ei, ombil penduk itui! ⁵Enim kor puŕtmin ni, wamp ti wapra rui uŕ kit mbu etpa, uŕ ŕar mul na, mel minal kandpa numan pendpa etum. Ei, uŕ kuŕ tupa, elim nga got randpa, Got kupa wak rorum. Ei nga, Kraist kun Got raŕ nga tupa mumuk rui kona ila, ruk mba mel mon. ⁶Wamp ti ndi, ik muŕ pi nupi mat nimba, enim kol ropa ngumba etmba ei, tuk menduk muŕui! Nambuŕ emel, Got nga popuŕ ei, ik tuk roi ndurmin wamp mbu kun orum. ⁷Ei nga, wamp i etpa mbu kun puk, rup rui naruŕi!

⁸Enim unt rumbuŕ ila morung ni, wote akup, enim Nuim ei nga ruŕang ila mormin. Ei nga, enim ruŕang ila mormin wamp mbu mel, ralk muŕui! ⁹Ruŕang ei ndi, uŕ kun kai na, nombuŕa mam kun undi na, ik kupa ni uŕ mbu etpa oŕa tutum. ¹⁰Nuim ei etuk, numan kai pinding uŕ mbu nga mint pilik, kanduk tuk itui! ¹¹Wamp ndi, uŕ kurpa rumbuŕ muŕi eng uŕ mbu, kandkun ok, tukun molkun, uŕ eng mbu mekun ruŕang ila, ekit

okun tukun, pena ila pindi! ¹²Ei nambu emel, mo rok u kit etmin mbu, para ndupun nimin ei nga, pipil etum. ¹³Wote, rufang ei ndi, u kit mbu, etpa mot ndunga, u kit mbu, kandup mbi ndurmun. ¹⁴Rufang ei ndi, mel mbu pora, etpa mot ndupa pena ila telinga, wamp ndi, kanduk pora ndurmin. U ei nga, Buk Wingti ila, ik koimung kat ndi, nimba mel,

“Nim ur mint pekun morun wamp ei, rut na, on kona ila toporuk ota mo! Wote Kraist nga rufang ei nim kun wangga!” natum.

¹⁵Enim wamp kun muhi orunga, tuk menduk muhi! Numan kun pindi nupundi wamp mel, pek muhi nambuhi! Wote, numan kun pindi wamp mel, pek muhi! ¹⁶Akup ui kit monmun ila, Got nga u kai mat iniding nda, akup ei kun itu! Wote ui ei, tuk kawa ndui nandu! ¹⁷Enim wamp wala mel ralk, muhi nambulk, Nuim ei ndi, enim namba u iteing nimba, numan orunga mbo rondum ei, pilik tuk menduk itu! ¹⁸Enim nu ronu nok kekilip rui nurai! U ei ndi, enim etpa kit mondumba. Ei kelik, Munga Wingti ei, enim kun omba, peka rangga muhi! ¹⁹Angmun mat kun, ik kai mbu nuk, mbi paka kinan mbu nuk, int yant etuk, Nuim ei kun, rom kaip mbu numan kai penduk, mbi paka rui! ²⁰Got Tipam ei ndi, mel mbu pora ngurum ei nga, Nuim Jisas Kraist nga mbi ila, ruk ruk angk nuk muhi!

Amp Mbu Kun Wamul Kun

²¹Enim Kraist tuk ou nduk molk kun, aiya angmun mat nga mana orunga muhi! ²²Amp mbu, enim Nuim ei, tuk ou ndurmin. Ei mel, wanumul kun, i ku itu! ²³Nambu emel, wu ei nga ronu ei, ota orunga tetum. Ei mel ku, Kraist ei, elim nga manga rapa tenda ila wamp mormin mbu nga ronu, tepa ota orunga morum. Kraist elim, elim nga rapa tenda ila wamp ku, elim nga kung ei nga Etpa Ti Wu ei. ²⁴Ei nga, Got nga rapa tenda wamp mbu, Kraist nga mana orunga mormin. Ei mel ku, enim amp mbu, wanumul nga mana orunga mint muhi!

²⁵Wote Kraist ndi, elim nga manga rapa tenda wamp mbu numan ngumba, elim nga kung ku wak rurum. Ei mel ku, enim wu mbu, ambunumul mbu, numan ngui! ²⁶Kraist ndi, elim u ei etpa, elim nga rapa tenda ila wamp tupa, Got kun rukur ndurum ei, elim nga ik ila, nu tindilinga eng nomba kai itim. ²⁷I itim ei etpa kun, elim nga manga rapa tenda ila wamp mbu, elim kun rukur tupa, etpa mon mundpa, etpa kai itim. Wote ping nomba tar motpa, iti natutum mon! ²⁸Wu mbu, en enim nga kung ei, numan ngurmin ei mel ambumul mbu kun, i ku iteing. Wu ti, ambunuman ngorum ndam, elim ndi, elim numan ngorum. ²⁹⁻³⁰Wamp ti, elim nga kung ei kun, kit pili naputum mon! Elim rung ropa nokundupa etum. Ei mel ku, Kraist elim nga rapa tenda ila wamp i etpa ku etum. Nambu emel, tun wamp ei, elim nga kung ila rop kundup mormun. ³¹Buk Wingti ila nimba mel,

“U† pu† ila, wu ei ndi, tipam mam ra† wak ropa, wote ambum kun omba, kup etum. Wote, wamp ra† omba kung tenda purum,” natum.

³²Buk Wingti ila ik mong ninim ku†, ik kupa ti ninim. Wote, na pamt ei, Kraist kun, elim nga manga rapa tenda ila wamp ku† kun, nimba mundnum namp pamt. ³³Wote, enim wu amp ku† kun, nimba mundnum ku! Wu mbu pora, elim ndi, elim numan ngorum ei mel, ambumul mbu, ei mel ku numan ngui! Wote, enim amp mbu, wanumul tuk ou mint ndui!

Kangambu†a Na, Tipam Mamul Na Mbu Nga Man IK

6 ¹Enim kangambu†a mbu, Jisas nga mbi ila tipanum manumul mbu nga ik teng ndui! Ei, u† kun kai ei iting. ²⁻³Buk Wingti ila nimba mel,

Tipanum manumul tuk ou ndui!”

natum. Ik ei, mi ik mbu nga ik kuimbal ei. Wote, u† ei mel eng ndam, u† kai ti, indimp nimba, pendpa ngurum ei,

“Nim nga mul orunga kupun mba, kai tangga kun mai kona ui ru† etkun mu†in,” natum.

⁴Wote, enim wamp tipam mamul mbu ndi, kangambu†a mbu etuk, numan kit penduk etuk popu† kundi nukundui! U† ei kelik, Got nga ik ila mbo enduk, man nguk etuk ou ndui!

Kongun Kindmant Wu Mbu Kun, En Enim Nga Wu Nuim Mbu Kun

⁵Enim kongun kindmant wamp mbu pilih, enim nga wu ou mbu nga mundmong enduk, tuk ou nduk, Kraist kun inding ei mel itui! ⁶Enim nga wu ou mbu ndi, kanduk neing nuk u† ti iti natui! Wote, mu†i nambu†um ndam kep, enim numan wang nduk, Got nga numan putum ei mel, Kraist nga kongun kindmant wamp mel itui! ⁷Ei wamp nga u† ti, endinmin nuk pili nupului! Nuim ei nga kindmant endinmin nuk pora, numan orunga nguk itui! ⁸Enim putmin ni, kindmant indi wamp, wei mormin wamp mbu pora, Nuim ei ndi, yant omba mel kai mat punt ropa ngumba ei, kongun kai eng tou ila ku ngumba.

⁹Enim wu nuim mbu, u† tou tenda ila ku, enim nga kongun kindmant wu mbu kun itui! Pundma rok etuk, mundmong indi nandui! Enim putmin ni, enim kun enim nga kongun kindmant wu ku† kun pora, wi mu† kona Wu Ou tenda ei nga mint mormin. Ei ndi mo†pa, wamp mbu pora, tou tenda ila mint rap etum.

Seitan Kun El Ruimin Mel

¹⁰Nuim ei nga rondu† minal tetum u† ila, enim Nuim ei kun, rondu† munduk mormun nuk mu†ui! ¹¹El itmin ei nga, Got ndi, mel ngorum mbu, tap ramp ndupun, rondu† mbun anggipun, Seitan nga mo ropa,

kunt kan etəm uʔ kit mbu, rok mana ndeing. ¹²Ei nambuʔ emel, tən wamp kən mendpuʔ, el rui narənmən, mon! Tən muʔnga kit elpa elpa mbu kən, el roʔmina mel enim. Ei, wu nuim na kongun kuimbal mormin, wote ya mui kona ila uʔ rumbuʔ muʔi mbu nga nokundərmin muʔnga kit peng mumuk mbu kən, el ronmən. ¹³Ei nga, akup Got ndi, nim el ruin mel ngurum kuʔ təkun rump ndukən, ui kit ei om kən, ronduʔ mundək anggilkən, el etək int pendək, en enim nga mui ila molk mint ping. ¹⁴⁻¹⁵Ei nga, anggilik tək kun etək muʔui! Ik kupa ei, kan mel tək gi nduk ralk, uʔ kun kai mbu tək pakuk, wote numan wang ni, Rənanang Ik Kai ei, tək kun etək ninding ei, kəmp rək mel tək mundui! ¹⁶Ui mbila rək rək mondpa pili uʔ ei, kumba ripa mel rapək mint muʔui! I etək moʔang ei kən, wu kit ei nga, el mong ndip pendpa rom mbu, rok pei munding. ¹⁷Wote, numan kai pendək wamp, Etpa Ti Uʔ ei tək, peng wuna kapa mel mana tək pakuk, wote Muʔnga Wingti ei ndi, Got nga ik mong nimba ngum mbu, tək koiya ruʔ nengina norum ni mel ʔmbuʔui! ¹⁸Muʔnga Wingti nga ronduʔ ila uʔ mbu, iting ei nga, Got ndi, tupa rəpəndangga nuk, atinga rək rək rok mint muʔui! Mana ping ei nga, nokundək tək mendək mint muʔui! Wote rək rək, Got nga wamp mbu nga nundək, atinga rəndui mint.

¹⁹Wote, na nga orunga nundək atinga rundui ku! Na Got nga ik nindimp ei kən, na tupa rəpəndangga, mundmong iti natup, ronduʔ mundup, Rənanang Ik Kai ronduʔ mo ropa tetəm mbu, nəmp ekit ndeimp. ²⁰Na Got nga Rənanang Ik Kai nundət, uʔ puʔ ila nga, na kan manga ila pet. Na Rənanang Ik Kai kuʔ ronduʔ mundup, neimp mint nuk atinga rundui!

Memp Ik Kai Mat

²¹Tikikas tən nga ʔngun wu kai ei, wote Nuim ei nga kongun mbila, numan ngumba etəm. Wu ei ndi, na etup mor mel nant ei nga ik puʔ mbu, enim nimba ngangga piling. ²²Wu ei, enim kən təp mundənt ei, təl nga morumbuʔ puʔ orunga, enim timan ropa ngangga, pilik ronduʔ teing nəmp təp mundənt.

²³Got Tipam, wote Nuim Jisas Kraist raʔ ndi, moʔpa kundi uʔ, wamp numan ngui uʔ mbu, enim mondpa pili angmən mbu kən wangga! ²⁴Got nga wamp poʔ ti uʔ ei, Nuim Jisas Kraist numan minal ngurmin wamp kuʔ kən omba, tepa mint pangga!